

EPISTRE ENVOYEE A M. CRESPIN NOSTRADAMVS, SEIGNEUR DE
HAVTE VILLE, Docteur & Conseiller, Astrologue ordinaire du grand Roy &
Empereur de France, Et de la Duchesse de Sauoye, & de l'Admirai dudit Royaume : Par
les six Philofophes d'Egipte, & l'Astrologue du grand Seigneur de Constantinople :
Sur vn Déluge d'eau particulier, qui doit aduenir deuant qui soit passé L'an mil cinq cents
octante & trois. Dédié audit grand Roy Em-pereur de France, Charles IX. Et aux
Auteurs des disputa-tions Souphistiques de ce Ciele. A VIENNE, Par Nicolas
Martin. 1573.

(110 x 175 mm, 16 pp. n.ch.)

CF. B.N. : V 21371

BENAZRA Pag.105 / CHOMARAT 128

EPISTRE
ENVOYEE A M.

CRESPIN NOSTRADAMVS,
SEIGNEUR DE HAUTEVILLE,
Docteur & Conseiller, Astrologue ordinaire du grand Roy
& Empereur de France, Et de la Duchesse de Sauoye, & de
l'Admiral dudit Royaume: Par les six Philosophes d'Egipte,
& l'Astrologue du grand Seigneur de Constantinople: Sur vn
Deluge d'eau particulier, qui doit aduenir deuant qui soit passé
L'an mil cinq cents octante & trois. Dedié audit grand Roy & m-
pereur de France, Charles ix. Et aux Auteurs des disputa-
tions Souphistiques de ce Cielz.




VIENNE,

Par Nicolas Martin.

1513.

VI.



Epistre enuoyée à l'Astrolo-
GUE DU ROY, ET DE LA
Duchesse de Sauoye, & de l'Admiral de
ce Royaume : de par les six Philoso-
phes d'Egypte, & l'Astrologue
du grand Turc.



O V S les six Philosophes re-
sidans sur les môtaignes d'E-
gypte, & moy Iean Cassan-
dre d'Apolon, premier Astro-
logue du grand Turc, & Sei-
gneur de Constantinople:
Dernierement auons veu & entendu par les
Propheties Imprimées à nostre langue de
Turquie, translâtée de langue Françoisse La-
tine, composée par ledi& Astrologue sur-
nommé de France, lesquelles Propheties ledit
Astrologue Nostradamus nous a delaissées
obscures & inuoluées, pour nous mettre en
peine d'entendre son intention, & ayant
uant nostre art & cognoissance Diuineuro

Philosophie secreete, auons trouué que ledict
Nostradamus c'est apuyé sur les 14. conion-
ctions de la Lune aux Planetes, & des plane-
tes entre celles qui commenceront le mois de
Fouurier audict an mil cinq cens octante troys,
en laquelle année Iupiter sera dominateur de
ladiete reuolution, & apres le premier du
mois de May en ladiete année, suruiendra la
grande conionction de Saturne à Iupiter, &
non obstant que l'an 1524. dernier passé, les
planetes fussent en signe de l'eauë & de l'air,
pource que la grande conionction de Satur-
ne à Iupiter n'estoit point dressée, comme au
temps que doit venir. Premièrement nous
auons cogneu par les mouuemens agiles du
Firmament, que deuant que l'année 1583. soit
passée, lon ne dira plus en la Chrestienté com-
me lon dit, Charité dort, & verité sommeille,
Iustice & droict sont allez aux pardons, & les
deux premiers nul ne les esueille, & les deux
derniers on les gaigne par dons, tellement
qu'il apparoitra vn seigneur reformateur d'a-
bus, qui sera oboy & désiré du peuple Em-
pereur de l'Europe, & d'une partie de l'Affri-
que, ce faisant Roy sur tous les Roys, depuis
l'arbre sec iusques au sommet de la terre, soy
disant Preuost de Paradis terrestre, auquel nul

nement & Empire luy sera donné de la puissance Diuine, voire que son Sceptre & couronne luy seront enuoyée du Dieu celeste, sous lequel sceptre & couronne toute bonne doctrine & bonnes meurs, toute amitié & fraternité populaire reluiront, par lequel plusieurs abus & loix iniques seront abolis, & toute ambition destruite cōme tresbien nous la donne à entendre ledit Nostradamus, sous son obscurité, laquelle par nostre trauail auons descouuerte, comme plusieurs autres choses que luy mesme nous a delaisié, tant de luy que du defunct Maistre Michel Nostradamus.

O ciccle heureux, que sera lors que Iustice aura lieu, & qu'en la Chrettienté il y aura tel reglement que la vraye Iustice sera administrée par les vrais supoz, tant en spiritualité que temporalité, que la barbe blanche sera reuerée, & le ieune le suiuant en vertu, sera honoré; ne sera proueu aux estats & offices comme lon auoit de coustume, & n'entrerons plus ceux qui y pretendent par la porte dorée, mais par la porte de vertu & de science, tellement qu'il y aura audit siecle vne armoirie de sainteté, & que toute paillardise & abomination sera deiectée de la cité du grand Monar-
~~que mentionné par le~~

& inuentions frauduleuses, par luy & ses auteurs, commises contre sa reigle & institution diuine, quelques empeschemens & murmures que le puissent faire, & viendra vn docteur si excellent en ce temps la, qui marchera en la voye de Dieu, qui delaiuera plusieurs grands biens & richesses qu'il tenoit ious l'authorité & marque dudit Monarque, lequel éclairera par sa sainteté les grands abus, esquels le pauure homme & simple peuple aura esté si long temps, tout ce que nous monstre bien euidentement ladiète conionction de Saturne à Iupiter, lequel euenement ne se fera que par pestillence, famine & deluge particulier d'eau, qui ne durera long temps, d'autant qu'il est menassé d'alteration du ciel & des quatre elements de changement de loix. *Quod altissimus sua pietate auertat.*

O Monarque meridional, toy & tous tes aderans, & tous ceux qui sont deguisez en ce ciccle, faisant semblant de monstre bonne & sainte doctrine au peuple de la terre, cognois & pense les grands maux que te doiuent & aux tiens aduenir, & commence à prendre le dueil de lamentation, d'autant que la conionction de Saturne à Iupiter demonstre que seras ~~laissé~~ & du tout abandonné des plus grands

mencent ne croire plus à tes commandemens, & contraires aux fondemens que toy & les tiens ont prins, & si tu ne veux croire à la dicte conionction de Saturne à Iupiter, que sera audict an 1583. Regarde à vne Prophetie qui est faicte le xxvii. iour de Iuin, 1558. à Lyon, dediée au feu Henry grand Roy & Empereur de France, l'Autheur de laquelle Prophetie est mort & decedé. D'auantage ce Grand Seigneur qui apparoiſtra & que nous trouuons estre né & auoir domination sur la terre, & auquel Dieu donnera lignée, & qui sera souſtenu par les grands & proches de son ſang, qui ſe despartiront en diuerſes habitations de la terre, ſubiuguera vn grand Roy, contraire à ſes ordonnances & manieres de viure, & enuieux de ſa ſaincteté & changement de viure, lequel grād Seigneur tant es pays de ſon obeiffance que es pays des langues eſtranges, que conquerra par la diligence & vaillantise de ſes bons Capitaines, que luy ſeront vnis en ſeruite & volonte, ſes loix & commandement, tant ſur le ſeruite & obseruance diuine, que ſur la police & obseruance humaine, tellement qu'il n'y aura aucune confuſion des eſtats & habits, que le noble qui a ſon cōmencemēt & origine de vertu, qui tient le premier degré en la police

maine, ne degenerera & ne fera chose indigne de sa qualite qu'il ne soit puny cōme Roturier. Et semblablement sera la Iustice bien & deuement administrée par les supposts d'icelle, sans acceptation d'aucune personne, d'autant que les offices seront baillée à gens de qualite requise: C'est a sçauoir en vertu & doctrine, & qui auront faict experience des affaires publiques, le marchand exercera droittement sa marchandise, avec vne conscience & consideration du trop ou du moins vendre, & se contentant raisonnablement de son labour: Les laboreurs ne seront vexe des nobles, ains conseruez d'eux, & ne seront tourmentez & apouriz des gens de guerre, mais vseront de leur labour & de leur cherrue paisiblement, & sans aucune contrainte, tellement que en tous estats il y aura vn support & reiglement pour subuenir l'vn à l'autre: Les habits & haillimens serōt moderez à chacun selon son estat, & nul n'oultre-passera ce que luy sera ordonné, comme nous monstre la conionction de Mars à Iupiter, & y aura vne vergongne & peudeur aux femmes qui ne porteront plus de malques inuentez du Diable, quand il se veut deguiser: mais feront apparoir par leur visage ce qui est interieur en elles, & seront iugees en voyant ce qui est en leur phisonomie: Car

sous pretexte de ce masque qu'elles portent,
il y a beaucoup de femmes qui se deguisent
pour exercer leur mechancetez, & font tort
à l'estat & Noblesse des vrayes Dames & Da-
moiselles qui les portent pour autre causes.

Seront audict temps aduenir tous les fla-
teurs de court & dissimulateurs de verité, car
nul ne sera receu pres du grand reformateur
Roy qui n'ait en sa main le cartel de verité,
experimenté digne de celle assistance Royale,
en laquelle nul ne doit estre receu, soit noble
& suiuant les armes, ou suiuant autre vaca-
tion, qu'il ne soit né ou adopté de toute vertu,
comme estant ledict grand Roy en soy, & ce
qui depend de luy. A dieu doncques tous fla-
teurs & gens qui ne font que tirer à leur prof-
fict particulier, & n'ont aucune consideration
du bien & repos public, lesquels tels nostre
reuelution met bas iusques à la tierce & quar-
te generation.

Aussi nous trouuons que ce grand Roy &
Empereur reformateur du peuple, scaura bien
considerer à qui il doit donner des biens &
estats comme à ceux qui le meritent, & à ceux
qui s'efforcent profiter ou qui ont profité à
la republique, sans toutesfois faire des dons
excessifs. **trouue ce que cedit Monarque & reformateur**

mateur des abus subiuguera plusieurs Roys
Ducs, Princes, Marquis par armes, & la plus
grand part d'iceux par courtoisie, & de bonne
volonté, pour viure en vne Loy vertueuse &
saincte, avec recognoissance toute fois d'vn
Jesus Christ, & obseruation de sa saincte Loy,
& de ses commandemens, & bien-heureux se-
ra qui eschappera la mort iusques audit temps;
d'autant qu'il suruiendra grand diminuation
de peuple par eau, pestilence, & autres fleaux
de Dieu pendant ledit temps, & mesmement
és parties de Septentrion, Pauphide, Cala-
bro, Lidie, Delicie, & Cellicie de Ratisbonne,
Normandie, Compostelle, Feuence, & les
circonuissins pres des ports de Mer: Car
Estang, Floues, Riuieres, Marees, & autres
lieux humides, la où de sa domination du si-
gne de pisces, & mesmement qu'à sa domina-
tion sur le signe de Virgo reseruent sur les
montagnes, bien-heureux seront les creatures
qui seront sur icelles ayant viures, pour la
grand desolation que viendra sur le peuple,
tant par eau que par pestilence.

Tous vsuriers qui mangent & sucent le
sang du pauvre, seront puniz par mort subi-
te, & par le Magistrat, & s'accuseront ceux
qui commettent telle trafique les vns les au-
tres, recognoissant leurs offences, donneront

aussi exemple de leur meschanceté & abus les
Bonlengers & Tauerniers qui vsent en leurs
estats de mixtions, & vendent à fausse mesu-
re: Seront aussi puniz & corrigez ceux qui
commettēt force & violence contre les estran-
gers venu en vn pays, pour cognoistre la fa-
çon & maniere de viure d'icelle, & non point
pour y faire chose qui ne soit de faire: sera
pourueu aux bons & fideles seruiteurs des
Rois, & sans leur estre denié l'entrée par ceux
qui gouernent & sont pres des Princes, les-
quels le plus souuent ne veulent que les Prin-
ces & Roys soient aduertis de ce que leur tou-
che, mais tiennent les portes & les maisons
des Princes fermées, afin qu'il n'y ait autres qui
ayent entrée en icelles qu'eux, afin de faire
leur profit particulier & se faire grands, au
detriment bien souuent du peuple & de la re-
publique, tellement que s'il y a vn bon Capi-
taine ou Soldat qui aye fait seruice à son
Prince il ne sera ouy par le moyen d'iceux, &
moins les gens de lettres & de bonnes entre-
prises, ains bien souuent reputez fols &
ignorans: Ce qui est au contraire à la façon &
coustume de ce pays de Turquie, auquel bien
souuent le simple Capitaine ou Soldat pour
sa vertu & preudhomme est fait Roy: Exem-
ple du Roy d'Argez que de present regne, le-

quel de simple soldat à esté fait Roy, sous l'obeissance toutes-fois de nostre dict grand Seigneur. Le temps viendra comme nous esperons & selon le discours de noz autres, que en France, Angleterre, & es Ailemagnes se fera le semblable reiglement, que les Princes Chrestiens recognoistront leurs vrais seruiteurs, comme on fait par deça, lesquelles provinces seront si conioinctes en amitié & confederation, que elles feront teste à tout le reste du monde: Et sur tous les Lis apparoiltra en la chrestienté, duquel Lis le Lyon furieux sentira tousiours l'odeur.

Et aussi nous cognoissons qu'il sera mis ordre sur le fait des monnoyes en la partie d'Europe ou habitent les Chrestiens, & que les Princes ne seront aussi desrobez comme ils sont à present esdicts pays, ausquels les pauvres gens sont grandement vexez, pour la mutation des cris des monnoyes qui se font ordinairement esdicts pays, à la foule du pauvre populaire, voire que l'escu entrant au coffre des Princes ne leur reuient que à vn teston la piece, & en ce dit pays vault audict grand Seigneur rendu dans son tresor quarante sols piece.

Et outre auons ordonnance par deça, à la telle en chacū obit, que s'il suruient guerre:

és quinze iours vn chacun se prepare & se met
en armes, sonnans vn tocsin par toute la terre
de nostre grand Seigneur, & y assiste vn cha-
cun l'espace de quinze iours. depuis l'aage de
sept ans audessus. Et d'auantage chacun clo-
cher doit fournir vn homme armé & equip-
pé pour faire seruice audit grand Seigneur
vn an durant, sans estre payez ne stipendiez
dudit grand Seigneur, ny sans durant ledict
temps ouuir les tresors, & y viennent toutes
gens de quelque religion que soient en obser-
uant les commandemens. Nous trouuons
aussique ce grand Roy reformateur des abus
qui viendra en l'Europe retranchera tant de
proces & controuersé qui se font en plaiderie,
à la fouldle du peuple, & que sur chacun estat
il y aura des superintendans en chacune pro-
uince, & en chacun peuple, & en chacun estat,
sans vser de tant de delais & subtilitez que lon
a accoustumé faire en plusieurs prouinces, au
detrimēt & destruction du pauure peuple, les-
quels iugemens desdits superintēdans ressor-
tiront neantmoins par deuant les Magistrats
qu'il plaira audiēt grand Roy establir en cha-
cune prouince, lesquels Magistrats n'entre-
ront point comme dit est cy dessus par la por-
te dorée & de faueur, mais entreront & seront
~~receuz~~ par leur vertu, & ceudhomme & ex-

perience, n'ayant autre consideration en leurs estats, que de rendre à vn chacun ce que luy appartient, sans aucune faueur, distraction, ou consideration des personnes, & tant au pauvre que au riche, & tant au riche que au pauvre. Et d'auantage allant ledict grand Roy par pays & par les terres de son obeissance, s'enquerra des gouuernemens de son peuple, & leiournera vn temps, qu'il fera signifier pour ouir les plaintes de sondit peuple, à fin que tant en sa presence qu'en son absence vn chacun se contiennent modestement en son obeissance & en sa vacation: Reprimera ledit Roy toutes insolences & debordemens des ieunes gens, & mesmement de la Noblesse, laquelle en ladite contrée d'Europe pour l'oisiueté d'icelle nous trouuons plus debordée que par deça: & combien qu'ils se deussent occuper & exercer quelque fois à la lecture & cognoissance des hystoires belliqueuses & antiques, & quelque fois à l'exercice des armes, & de piquer les cheuaux & faire autres nobles actes selon leur institution & leur degré de noblesse qu'ils veullent porter. Toutesfois ils se trouuent le plus souuent desbordez en vice qu'ils font choses plus indignes que ceux qui sont du moindre estat, & leur semble estre assez nobles quand ils tourmentent le pauvre.

sur les champs se faisant craindre à luy, & non honorer pour leur vertu, au moyen dequoy tels feront pour ledict grand Roy Reformateur degradez & spoliez de leur qualité de Noblesse, & remis au rang & estat inferieur des roturiers & non nobles, & sera le pays & la terre bien-heureuse, où ses choses aduientront, & qui aura vn Roy si sage & prudent qui entendra les iustes, & fermera la bouche aux calomniateurs. Il nous desplaist de reciter ce grand deluge & pestilence qui doit suruenir, & que nous cognoissons par la reuolution des astres, qui seront telles qu'elles surpasseront toutes les calamitez du temps passé, mais se faut preparer, aduertir l'ire du grand Dieu, & s'acheminer d'executer ce que dessus, sans attendre le temps aduenir, à fin que toute la police soit mise entre le peuple, & que le pauvre simple populaire se puisse recognoistre, & que tous abuz qui sont grands en chacun estat se puissent corriger, & que l'obeissance qui se doit porter aux grâds seigneurs de la terre leur soit porté en voye & chemin droit, sans que ceux qui sont auprès d'eux se dissimulent & se deguisent, soit en leur conscience & actions, pour auoir & retirer à eux & à leur particulier des grands biens, autoritez & préeminences, comme se trouue plusieurs en ladicte

entrée d'Europe, & ne faut estimer iceluy sage, prudent, & de bon esprit qui dit choses que son cœur ne pense, comme font ordinairement plusieurs courtisans, & autres qui veullent complaire: Mais faut estimer celuy docte, prudent & sage, qui avec la prudence & doctrine est veritable: Car ce grand Dieu sous lequel les grands Roys de la terre regnent demande verité, comme il est veritable.

Et seront tels abuseurs & dissimulateurs dechassez d'aupres de la personne de ce grand Roy reformateur, & se trouue par nostre speculation occulte & secrette * selon les points que nous a delaissez ledict Nostradamus, ceux qui s'ensuiuent estre veritable, vertueux & fideles, pour tenir la main & exocuter la reformation de ce grand Seigneur, duquel toutesfois nous ne pouuons encores certainement declarer lenom.

Donné à Constantinople, le vingt. iefme de Septembre, mil cinq cents septante & deux; contant l'année que les Chrestiens tiennent que Iesus Christ est né en ce monde, priant tous les Lecteurs vouloir prendre tout ce que dessus en bonne part.

Fin de l'Epistre.

